

地200.183
3P
部10.16

人物

書家 畫家 藏書家 彈琴家
鑿家 初數家 奕家 武畧
列女



常昭合志稿卷第三十二

人物志十一之一 書家

后輿

繆貞

侃 伏

周賢

嚴雍

陳儀

仔 佑

朱天宥

周澣

鄒謙

薛章

翊

楊士廉

徐峽

陸 炳

張撫

張 起

盧佐

徐姓

朱繡

程嶠

尹耜

譚紹隆

伍柳

黃衍

倪坤

徐州

韓敏

潘鎬

屈培基

翁苞封

邵淵懿

許洛

楊沂孫

沈世儼

已下 篆刻

附

林舉

王亮

沈頡

邵淵鍾

敘曰書之為用廣矣學士大夫無有能離筆硯者故習之者

常昭合志稿

卷三十二

人物 書家

一

多又若碑若帖古人運腕之法粲然於耳目間其習之也又易惟習之者多且易而欲卓然自成一家以得名於世也乃獨難是故吾邑之以能書傳者遠不及畫家之盛雖然為篆為隸為真為行草或專習或兼習自元明以來能傳斯冰鍾蔡羲獻歐虞之法者其人豈少也哉哀而錄之殿以楊公濠叟庶幾有後勁為筆墨光也篆刻之藝於書家為近舊志有其人亦彙附焉為人物志十一之一

元

后輿至元間人善篆隸致道觀李烈士紀績碑篆額其蹟也

言 志

繆貞字仲素隱居不仕善八分小篆追蹤張有正書尤高古致

道觀虞山福地榜額李烈士碑隸書其蹟也平生嗜古器物所寶用者有述古圖圓硯因以述古名其堂著有書學明辨

龔志參黃文獻集

子侃字叔正工玉臺小體善楷隸至正間值淮兵

亂避地浙東辟署行省郎中督漕運馳傳歷諸郡作渡灘歌

鮑刻玉山璞稿

時吳越阻絕父老居虞山温清久缺繪故山雲樹并

所居猗猗堂為圖題曰望雲以寄志一時名流屬和

平陽陳高詩序

亂定歸往來玉山草堂賦詩酬唱楊廉夫袁子英輩咸重之

玉山名勝集

弟佚字叔明亦能詩善畫嘗寫林塘圖楊維禎倪鎮

並為題詠

陳志

明

常昭合志稿

卷三十二

人物 書家

一一

周賢字思齊雙鳳人永樂中詔修大典以善書徵辭曰母老不

能行也居恒讀書養氣脫然榮利浚儀趙永言誌其墓謂有

陶宏景風時稱惠齋先生子二濟字以舟渙字以楫皆以才

行稱

雙鳳里志

嚴雍字思孝其先江陰人父儀一名本字志道以律鑑精明薦

授刑部主事擢大理寺左寺正以明謹稱雍贊於張修撰家

遂卜居焉持身謹厚不妄言笑吳思庵重其為人欲薦之輒

辭曰用於世者才德兼備乃可是何敢當乃止善篆隸

錢志子

芸字允芳狷介寡儔訓徒室中巾服儼如縣營公廨強市其

地令召芸受價芸不可令笑遣吏以地價歸之後請鄉飲賓

亦不赴善大書篆隸得古法陳志芸子確字耕讀舉賢良方正

不就孫東溪西溪並為鄉飲賓東溪五世孫廷諤字仲謙明

季為糧長嘗捐數萬金為貧民輸賦鄉里德之嚴氏家乘參天真閣集

陳儀字羽伯通篆隸能鑒古器物弟仔字時佐有四裔考異蜚

吟續響集子佑字惟孝精篆刻亦善鑒古有小篆千文陳志

朱天宥字洪恩正書學沈度草書學解縉陳志

周澣字時顯書入能品為吉安府訓導卒於官錢志

鄒謙字仲撫書得鍾王法亦善吟詠陳志

薛章字大章孫詡字甫卿俱學張雨書共善雜文陳志

楊士廉善草書能斲琴言志

常昭合志稿

卷三十二

人物 書家

三

徐峽字石臣品孤介能書亦善畫言志陸兩字華甫書畫兼工陳志

張撫字琴虞書法黃蔡張起字瑞巖工書尤長漢隸陶志

國朝

盧佐字觀揚詩才敏捷書摹董文敏陶志

徐甦字行來書畫兼工楷法學黃庭草撫懷素細則蠅頭大可

尋丈陳志

朱繡字彩章廩生書宗二王得馮氏指授行楷極蒼秀人爭寶

之又工詩有耕餘吟稿言志

程峩字眉山書學九成宮最為神似所著詩有香雪集前後二

卷海虞詩苑

尹耜字耕野工書善畫尤好爲詩以苦吟致疾卒年僅三十六

虞海詩苑

譚紹隆字道興康熙壬辰武進士工書法得圭峯碑筆意言志

伍柳字柳門倣古篆刻八分書得唐史維則筆意錢志

黃衍字昌宗公望裔孫世居小山工書尤精篆刻嘗病時下篆

籀訛謬作六書探源五卷人謂其功不在周伯琦下海虞詩苑

倪坤字又迂常熟諸生善隸書虞山人文續鈔小傳

徐州字南徐常熟人工小楷凡六書篆籀之學無不通習又以

古人碑碣多自鐫刻每臨摹法書刻石極精府志

韓敏字仲敏常熟人祖籍長洲父歿遺屋兩椽田六十畝悉以

常昭合志稿 卷三十二 人物 書家 四

讓兄幼耽書法後寓郡城月聲僧舍吮毫濡墨每四鼓就枕

從學者數百人詩宗石湖放翁有閒笑軒詩秋蛩吟府志

潘鎬字肇豐號芭湄梅李人廩生書法遒勁善吟詩有雪鴻集

言志參繡屏風館文集

屈培基字子載號元安常熟副貢生善篆隸乾隆間嘗代上海

趙秉冲茶鐫 御寶又書太學石鼓文並稱 旨名動京師

不妄交當日目爲逸品家述

翁苞封字竹君號石梅常熟諸生善各體書工篆刻性孤僻好

潔常客游晚歸里門鬻字自給夫婦躬爨汲泊如也

邵淵懿字羲人昭文諸生工篆書能詩

許洛字菊嶠常熟國子生善書工而速能按紙壁上作小楷游京師助友人傭史館書日可得萬餘字兼精鑑古所藏碑帖多宋時佳搨曾於邑北郭樵擔得商彝一又於大梁骨董攤得柴罌杯一尤爲生平所珍弄洎粵寇至子身縋虞山門出年幾七十矣夜蛇行草石間困卧喟然曰何處青山何處埋我身外物豈足累吾心哉乘間渡江居龐文恪幕府日夜助草檄暇仍以八法自娛雖小楷亦運以迴腕文恪入都遂客崇明沈沼家沈敬禮之旋卒

采訪稿參
關谷筆記

楊沂孫字詠春希鈺子道光癸卯順天舉人選知安徽銅陵縣調署黟縣時粵匪踞安慶州縣多淪陷未能之任江西巡撫

常昭合志稿

卷三十二

人物 書家

五

張文毅公芾器其才機佐戎幕洊以功擢知鳳陽府旋以父憂歸沂孫少學於陽湖李兆洛治諸子精管莊著管子今編莊子正讀夙耽書尤嗜篆籀之學研究段王兩家補苴未備成文字說解問譌又博考上古逮於籀斯折衷許氏沿至本朝成在昔篇所作篆隸初宗懷甯鄧石如久而多自得嘗曰吾察吾書篆籀頡頏山民得意處間亦過之分隸不能及也以官鳳陽遂號濠觀晚更號濠叟自歸里後書名益重兼工篆刻里中後進多講求大書及諸子之學者沂孫提倡之力也光緒七年卒年六十九子同福貴池縣知縣

墓志參
譚獻傳

國朝

沈世蘇字石民鑄印章得文國博正傳陳志

林皋字鶴田常熟人精篆刻名聞海內言志

王亮字開度常熟人諸生工鐵筆舊志

沈頡一作翹字映霞昭文人善畫菊貌清削多病因習岐黃家言

能詩工草書善琢硯鑄印亦能鼓琴墨林今話

邵淵鍾字士賢廣鈔子工篆刻尤善鐘鼎文性嗜酒醉後彌温

克卒年七十家述

人物志十一之二 畫家

黃公望 謝伯誠 張彥材子明

顧因

常昭合志稿

卷三十二

人物 畫家

六

金黼 張宏儒 吳偉 朱祺佐侃 盧景春

范禮 錢復 瞿杲 蔣宥王鳳 吳麒

張翬 張季弟維 王伯臣載任周庸 顧叔潤

周之冕王維烈 戈汕 蘇先 沈崙

李子安女奎 躍 龔力書 張瑞 王翬疇 廷元 玖

州元 吳慝 王維甯 邱園崧 彭睿 王嶼

馬元馭逸 張景 錢盛 楊晉亭 劉松 劉悫

劉貞 徐鈞 胡塘 徐新 錢良 蔡遠汪宏 林維新

馮學 陳熙 姚濤 晏賓 陸鯤 唐俊仲 黃鼎許穎 姜翔 姜漁 何適温裕 時大來

許從龍許天膺 許益 余珣璜 省 蘅 周愷黃霆

鯤 鵬

姚匡

薛周翰

顧文淵

錢希仲 陳汝鰲

戴樸

王譽昌

王瑾

徐稷

吳山張翥

黃彭

遠

逸

步昌

張延年

侯服

呂元暢

顧晟

金輅戴肇先

蘇來

楊翥

陸棟潘是稷

沈峯

徐方

沈昂

張大白

潘林

徐涵

徐瀛萊

祝芑

潘瓚王峻

王烈

朱濟源

程士樾

陳典王廷音

譚燧

達

沈鼎

瞿紹勳

林俊薛周

顧海

孫齊鑿

崔瑤

溥

畢琛

瀚

趙元信

允謙

允章

胡駿聲

楊旭

蔣寶齡

問

莖生

范璣

袁鶴

殷雯

王景鐘

沈庭煜

壇

屈大獲

任之安

蘇林

張溥東

常昭合志稿

卷三十二

人物 畫家

七

敘曰古之畫家以質樸勝自唐吳道子絕藝入神始用巧思而畫學一變洎元四家出融冶關荆胎息董巨氣韻魄力突過前人而畫學又一變四家首推一峯道人道人固吾邑人也明代婁東王氏並以道人為淵源所自出其六法之妙遂雄長東南而吾邑石谷子濡染三王起而為海內畫家領袖一時扶義漁山子鶴尊古又能頡頏其間至使虞山烏目琴川墨井吾邑山水之名騰布於詞林藝苑中是真湖山靈秀之氣所藉以發見者也顧可以曲藝視之歟別出之所以為湖山慶也為人物志十一之二

元

黃公望字子久號一峰又號大癡道人本陸氏子少喪父母邑

小山永嘉黃氏老無子見公望姿秀異愛之乞以為嗣因用

其姓

畫史會要云其父年九十始得之曰黃公望子久矣因而名字焉

性稟敏異藻思日發

應神童科長乃博極羣書尤通音厯圖緯之學詩工晚唐浙

西憲使辟為掾史極禮重之然非其好也一日著道士服持

文書白事憲使怪而詰之公望即引去放浪湖海所交皆當

世名士開三教堂於吳門高僧方士多執子弟禮游錢塘愛

杭之南山箬箕泉結廬其上將為終老計己而倦於酬應歸

富春年八十六而終善畫山水師董源晚年變其法自成一

家其峰巒多礮石筆墨高雅人莫能及公望居小山日以酒

常昭合志稿

卷三十一

人物 畫家

八

發其高曠恒卧於石梁面山飲畢投巽於水而去幸悟山水

神觀後村人發其巽殆盈舟焉

鄧志

謝伯誠任陽人畫法超逸得董北苑之傳嘗作瀑布圖楊廉夫

品題之

龔志

張彥材沙頭人工寫真與楊維禎為詩畫交嘗從維禎游金陵

維禎亦時主其家子子明字蘭雪號大頑世其學永樂間徵

至京有名公卿問

大倉州志參徐沁明畫錄

明

顧因字子因界牌人至元末嘗為海漕萬戶明初遁跡隱居北

山善繪事每見奇山水及佳樹石即心與境會揮灑得意初

師董源出入諸家尤工設色自稱半癡老人

龔未參海虞畫苑畧

金黼字用文工山水墨竹嗜吟詠自號竹泉生

錢志

張宏儒畫學趙千里

陳志

吳偉字小仙幼自江夏來以畫名後供奉畫院

虞山雜記

朱祺字孟祺行已方雅畫山水能兼諸家所長號拙菴居士子

佐字廷輔侃字廷直竝精於人物佐入京隸畫院侃山水師

夏珪尤超逸早亡佐之子蒙亦以畫名自號癡雲子祝允明

志其墓

鄧錢二志

盧景春字以和號燕居居城西繞屋植梅善寫花竹翎毛梅花

入妙品

錢志

常昭合志稿

卷三十一

人物 畫家

九

范禮字宗嗣山水師馬遠

陳志

錢復隱居五渠清逸不羈畫師董源入能品亦能書

錢志

瞿杲字炳陽自號醉漁五渠人性坦率嗜酒落魄畫花鳥有名

蘆雁入高品亦能詩後隱於澄江之龜山以藝傳里人錢祖

及蕭完二人性趣亦類杲祖蘆雁亦佳完次之

鄧志

蔣宥字朝恩善寫人物畫家推為高品傳筆法於王鳳凰字舜

儀兼工雜畫

言志

吳麒字瑞卿從沈石田游宋元名蹟多所規倣臨筆尤精

言志

張翬字文翥畫宗馬夏法年九十二猶揮灑不倦

畫苑畧

張季字季奇弟維字叔維俱以畫名維善吹洞簫詩亦落落清

泚錢志游迹多在西湖因號西泠寓客畫苑畧

王伯臣字鑑如花鳥師崔子西子載仕字浮玉諸生尚志高雅

隱居白茆善於丹青一時名流咸推重之畫苑畧同時周庸字

叔常陸履謙字道卿及顧叔潤俱工山水陳志

周之冕字服卿號少谷居東徐市後寓郡城寫意花卉最有神

韻家畜諸禽玩其飲啄飛鳴故畫翎毛尤得生意王弇州嘗

云吳郡寫花卉沈啟南後推陳道復陸叔平然陳妙而不真

陸真而不妙之冕能兼二子之長得其指授者王維烈字無

競畫苑畧

戈汕字莊樂畫法鉤染細密雖巨幅長卷石紋松針了了可辨

常昭合志稿

卷三十一

人物 畫家

十

嘗造蝶几長短方圓惟意所裁疊則無多張則滿室自二三

客至數十皆可用亦善吟錢志

蘇先字子後工人物士女詩亦綺麗錢志

沈崙字子山其畫蒼潤不苟作喜吟詠陶志稿

李子安善寫真子文奎子躍能傳其業時又有龔力書弓力

本朱士謙俱善傳神為時所稱錢志

張端字有堂官中書舍人善畫竹石亦能平遠陶志稿

國朝

王翬字石谷號耕煙浮玉山人載仕孫也生時墨香滿室童年

無嗜好常引荻畫壁作山水即生動會太倉王廉州鑑游虞

山於壁間見小幅大驚異卽請相見歸語王奉常時敏具舟
迎之館於西田悉發所藏相與探尋盡得古人秘奧遂成大
家廉州推服曰三百年罕觀此人矣武進惲壽平亦以山水
自負及見輦畫度不能過乃改寫生以避之輦以布衣供奉
內廷嘗繪南巡圖天下能手駢集成遠巡莫敢下筆輦
口講指畫咫尺千里令衆分繪而已總其成圖成將授以官
以不能任職辭出都日禹之鼎爲繪騎牛還山圖公卿祖餞
多賦詩贈行生平篤孝友慎交游尤敦風義奉常廉州沒歲
必省其墓康熙丁酉卒年八十有六舊志參先
正事畧次子疇字壽
田號留耕國學生山水師趙大年筆墨亦佳享年未永畫苑
畧

常昭合志稿

卷三十一

人物 書家

七

曾孫玖字次峰號二癡贅居郡城意氣傲岸自負爲畫世家
少嘗游黃鼎之門已而徧臨古蹟益深造入都聲稱籍甚爭
欲引薦之夷然不屑也所居拙政園春秋佳日輒怡酒招集
及門合寫小冊并題長句得者如拱壁焉子廷元字贊明州
元字愷如俱善畫州元尤勝墨林
今語

吳慥字漁山文恪公後裔自號墨井道人爲人簡遠不羣彈琴
詠詩工書善山水嘗學筆法於太倉王奉常沈鬱厚重深得
其傳奉常亟稱之其於書法好東坡嘗游吳興謁其郡守未
入信步至一僧舍見東坡真筆醉翁亭記喜甚卽蹴其寮買
紙筆布席展卷臨摹三四日太守徧索不得摹竟徑去晚年

棄家浮海不知所終

舊志參柳南隨筆

王維寧字古臣居邑東韓莊自號寒溪子好游善畫所至輒圖

其勝以歸嘗與友人結西湖看花社歲必一往前後凡二十

七至竊定黃陶菴序其詩擬諸方元英陸魯望云

海虞詩苑

邱園字嶼雪東海侯岳之後隱居塢邱山縱情詩酒善度曲撰

歲寒松蜀鵑啼雙鳧影諸樂府有元人之風畫仿石田潑墨

濃重自成一家從子崧字石室詩畫得其傳

陳志

與之游者王

嶼字杉谷得其指授彭睿字自如號雲史亦善山水筆法細

賦與邱迥異

畫苑畧

馬元馭字扶曦號棲霞父眉字子白善寫生蘆雁入神品元馭

常昭合志稿

卷三十一

人物 畫家

主

少聰敏其先世所遺多五代北宋元明諸名蹟故點筆信手

皆有生趣好讀書嗜酒有田數十畝在尚湖之濱困於徭役

棄去家益貧而畫益工王翬嘗稱其神韻飛動勝於陳道復

陸叔平繼又與惲南田為忘年交講求討論盡得其傳名大

著蔣文肅少時嘗從元馭受筆法及官禁近以書招之入都

以疾辭年五十四卒子逸字南坪晚號孩叟亦善畫

李果傳參舊志

傳元馭筆法者張景字雨田錢甯字原裕吳一麟字聖徵陳

金卓字壽安

畫苑畧

楊晉字子鶴受筆法於王翬尤工畫牛與翬同繪南巡圖曾

摹內府所藏唐宋元明諸名蹟副本進御覽幾欲亂真

晚號鶴道人兼能寫生傳神子亭字雲房紹述家學工書能畫又劉松字石亭畫法蒼勁爲王翬高第弟子又劉愨字鶴山亦善山水言志學於楊晉者袁溥爲最溥字益園傳神尤佳胡昭字企南劉禎字辰翰竝早卒畫苑畧後之相繼以傳神稱者徐鈞字東表胡塘字金藩徐新字南村錢良字樂山馮學字悅之陳熙字文緝姚溥字松山晏寶字于王竝有名又陸鯤字天池臨安令稚懷之孫少孤貧屢試不得志遂棄而習畫蔣公雨亭歿於王事欲寫照無有能者鯤默貌之儀容儼然乃獲小康舊志參畫苑畧

蔡遠字自遠號天涯自閩來徙故別號紫帽山人學於王翬筆

常昭合志稿

卷三十一

人物 畫家

三

勢淋漓然一樹一石必有所本性落拓往往使酒罵座竟貧老不遇而歿傳其筆法者汪宏字道可林維新字周士畫苑畧

唐俊字石耕明忠臣天恩裔父袞字山補號萍鄉善畫蘭兒伸字爰廬庠生能詩善書亦工畫蘭俊少從蔡遠學畫山水後盡脫其窠曰超軼不羣其看子及小冊位置尤空靈有法名

與楊晉相埒

畫苑畧

其花竹亦以鮮妍稱

舊志

黃鼎字尊古世居唐墅鎮與王翬齊名稱晚出生平好游嘗之齊魯登岱歷燕趙韓魏入秦登太行終南太華諸山又出塞數千里經于闐近身毒國乃還後居黃山游匡廬羅浮九疑陟嵩衡升峩嶠巔攀岷窮長江之源已乃入天台探雁蕩武

夷諸勝自號獨往客凡詭奇怪偉之狀一寄於畫論者謂石
谷看盡古今名畫下筆具有淵源尊古看盡九州山水下筆
具有生氣客京師時有故相延之與均禮然見其傾軋者居
多恐及難堅辭去及故相罹禍時鼎在粵中走入都與哭別
晚歲有制府係舊識具書幣招往秦中既至聞其縱恣無度
策馬還竟不往見途中惟寫終南雲氣武功太白諸圖以壯
行色聞者高之性孝友獨力葬大父母兄子貧無歸分產給
之養姊妹之寡者四方餽遺隨手盡不介意少從邱高士園
後師王侍郎原祁然每與人言必曰我邱先生弟卒於雍正
八年年七十有一

李元度

國朝先正事畧

邑人學畫於鼎者許穎字逸

常昭合志稿

卷三十一

人物 畫家

函

人善繪雪景

言志

姜漁字松山疏秀得元人意漁子翔字少白

亦世其業

墨林今話

何適字達齋號繭翁晚號白石道人由何市徙支塘所居名陶
菴在紫竹林間煙蘿四合頗具幽致從嘉定李流芳游傳其
畫法又得同里沈春澤指授善寫蘭竹詩有宋元風致

錢志參海

虞詩

同時錢中丞朝鼎亦工畫蘭而錢以森發勝何以瘦勁

勝人謂黍谷臺閣白石山林各如其人也後有溫裕字子裕
得其傳乾蔬枯葉皆入妙品

畫苑畧參言志

時大來字來復給諫敏從子善花鳥

支溪小志

許從龍字佐王自嘉善來居工摹古仙釋像為人繪五百阿羅

漢藏廬山陳志許天牖字六如工詩賦許益字晦栽善草篆亦

精繪事言志

余珣字恂若號荆山善寫生師邱慶餘而自成一家弟璜亦工

人物子省字晉三蔣文肅薦入畫苑同直九人省恩遇最

優賞賚頻數在苑三十年以老告歸珣從子蘅字芳洲私淑

其叔長潑墨寫意學於珣者饒澹字勝文工鈎染畫苑器

周愷字長康號雪航工仕女弟黃霽字卽山號墨公諸生工詩

長於寫生黃霽子鯤字天池工山水人物入畫苑病假歸里

乾隆十六年迎駕蘇城命寫千尺雪圖稱旨賞賜優

渥鯤弟鵬亦以丹青稱畫苑器

常昭合志稿 卷三十一 人物 畫家 五

姚匡字石村師王翬工山水供奉畫苑查聲山亟稱之薛周翰

字松崖師馬元馭工花卉亦直畫苑畫苑器

顧文淵字雪坡能詩文善山水尤以墨竹名其人清遠離俗與

華羲逸同學筆墨亦相類著有海粟集舊志同邑錢希仲字甫

嘉師其寫竹法亦有澹遠之致又陳汝鰲字无適邑諸生寫

竹師馬元馭戴樸字莊士寫竹長竿叢篠似魯得之畫苑器

王譽昌字露清號話山運昌弟邑庠生早棄舉業一意於詩著

含星集諧山自選詩又崇禎宮詞最有名於時工山水頗自

矜流傳甚妙嘗借石谷畫摹本還之石谷不能辨也閩人王

瑾字亦懷少孤來依外家翁氏遂蒙翁姓譽昌愛其醇謹妻

以女授以畫法瑾復得蔡天涯指授學益進石谷亟稱之嘗
作福州王氏墓圖示不忘其先兼善篆刻有印譜行世

畫苑畧

徐稷字稼臣號稔齋書妙四體工詩善畫山水人物氣韻高邁
學於稷者吳山字南陽號蘊空道人後變其法出入二米房
山間學於山者張翥字北林雍正王子颺風為災太守周公
屬繪流民圖頗加禮敬翥性跡弛不以軒冕為意周因目為

莽畫師

畫苑畧

黃彭字堯臣工山水花鳥子達字石儻性孝友尤長水墨弟逸
字菊存亦工畫子步昌字信生以能書稱

畫苑畧

張延年字長齡侯服字伯揚竝工花鳥均以寫美人著名

畫苑畧

常昭合志稿

卷三十一

人物 畫家

夫

呂元暢字愷君父承渭字其相拔貢生工詩文兼善詞曲高才

倜儻坐累被黜元暢幼病聾工人物早卒

言志

顧晟字鈍伯善畫蘭

言志

從學者昭文金輅字素封號耐雲輅後

變其法有書家細筋入骨之妙兼善畫梅詩亦清雅有耐雲

遺稿

墨林今話

又蘇來字受益兼善寫竹同時邑中以畫蘭稱者

戴肇先字伯昌得二趙法

言志

楊翥字丹山工仙佛授筆法於陸棟棟字雲松尤工傳神北平

史容葦督漕四郡棟默寫其照呈之遂知名又沈峰字衡山

號卧雲工野仙於巨幅尤擅場維揚賈頗不惜重貲購之

畫苑

畧 同時潘是稷字南田亦工人物

言志

徐方字允平號亦舟又號鐵山善畫馬蔣文肅稱之後有沈昂
字漢倬畫馬亞於方又渡船橋人張大白佚其名諸生也畫

馬亦得子昂遺法

言志參
畫苑畧

潘林字衡谷號西疇花卉翎毛師馬棲霞蔣文肅公招置幕中

進御卷冊多出其手

畫苑畧

徐涵字有容號仲米沈市人精書法四體各臻其勝山水酷摹

襄陽嘗游雲閒極為時輩推重兼工詩歌善騎射拳搏擊刺

鼓琴擷笛倚聲度曲皆稱能品

戲塵
紀畧

又有徐瀛萊亦兼工書

畫並有能詩名

畫

祝芑字孫貽潘瓚字載岳並工射獵圖又王烈字揚武號以齋

常昭合志稿

卷三十一

人物 畫家

七

工人物無師資而筆自超詣子峻號圃煙小至寸馬豆人大

至尋丈不用稿本無不合度

畫苑畧

朱濟源字素濤常熟人寫生宗南田翁又號紫霞散人

墨林
今話

程士棟字商貽號研山善畫梅蓄法書名畫最多曾赴吳門訪

雪幢僧於怡賢寺索畫者至集以此知名

舊志

又支塘人陳典

字玉先專寫水墨牡丹常熟人譚燧專寫松石諸生王廷音

字大成項世達字孝揚並專寫蘆雁入高品

舊志

沈鼎字香郊昭文人父漣字秋濤有孝行善山水鼎補諸生工

詩亦善畫初學米家山水自謂悟潑墨法後見石鼎白陽水

墨花卉遂工逸筆寫生已而專事蘭竹游閩遺疾束裝歸沒

於建甯驛舟次著有半閒花屋詩集

墨林今話

瞿紹勳號楠圃原籍如皋遷常熟為人淵雅靜穆書學董香光

山水不多作而筆甚蒼秀又林俊字見山顧海字靜涵號香

雪並工山水人物海并善篆籀薛周字秋泉沈桂字石樵皆

工山水

墨香居畫識

孫齊鑿字鳳洲號芳齋常熟人能詩工書畫南昌彭文勤督學

江蘇以唐人詩月落烏啼霜滿天一首試古學齊鑿成七律

四首并繪圖以獻文勤大加賞異拔置第一并題詩於副本

以示優獎

虞山人文續鈔小傳

崔瑤字筠谷晚號華林外史昭丈人工山水其松竹尤為奇絕

常昭合志稿

卷三十一

人物畫家

六

年九十七無疾卒妻某氏壽至一百四歲仲子溥字春泉松

竹人物能世其業壽亦至九十

墨林今話

畢琛字仲愷常熟人少以畫名言如泗纂邑志屬其畫圖尤長

人物子瀚字友梅能世其業

趙元信字寄蘭常熟人善畫梅能詩曾出賞助成寶興局族姪

允謙字雲谷工山水間寫梅竹亦出新意旁通青鳥靈素六

書七政之術持躬謹飭訥於語言有古君子風

墨林今話

允章字

鳳巖工花卉草蟲設色明麗晚年無家依其族人以終

胡駿聲字芭香常熟人從畢琛游工傳神中年喪偶不再娶奉

母徙郡城顏其齋曰望禺疏花瘦石饒幽居之趣女清字若

蓮亦工花卉及笄而卒 墨林 今話

楊旭字曉村號邁廬昭文人工鈎研花鳥有馬許兩家遺意兼

能詩著虛白軒稿 墨林 今話

蔣寶麟字霞竹昭文人祖瀛讀書敦行寶齡僑寓郡城工詩山

水高逸古雋著有琴東野屋詩集弟問家酷貧喜購金石圖

籍亦工詩畫子苴生字仲籬山水亦多古致晚刻寶齡所著

墨林今話士林重之

范璣初名用琛字引泉常熟人早孤家貧多累閒讀書過目不

忘性耿介不隨俗工山水自謂得其所以然作畫論一卷以

是鑒別古畫筆法學王石谷而獨闢境界臻逸品母病痺數

常昭合志稿

卷三十一

人物 畫家

五

十年璣搔却扶持備竭心力里人欲為舉孝子固却之少從

單學博游為詩幽奧高古有過雲廬詩稿晚學於張爾且深

入禪理子循謨別見忠節志女湘馨善畫蘭

袁鶴字吧樵常熟人從畢琛游工人物樵古尤精設色鮮明歷

久不變晚年畫山水得石谷筆意咸豐十年死粵寇難 家述

殷雯字小雲武舉鳳翔次子昭文人善花鳥筆意近徐青藤山

水不苟作小幅專摹倪黃實勝花鳥尤好詩與吳震唱和諸

作附刊銅似軒集中 家傳

王景鐘字子山昭文梅李人善傳神喜為詩有寒翠山房詩草

沈庭煜字也樵常熟國子生候選按經歷少孤事母以孝聞工

寫生粵匪陷城不食死旌給世職子境字酉生號蓮客諸生
善畫梅兼擅山水得包山龍臺筆意精相術亦能奇中女孟
儀字吉生秉儀字柔生秉璇字雪生並工花卉兼通青鳥子
平諸書

屈大濩字亦韶工寫蘭得何白石之傳兼工人物法陳老蓮
任之安字仁卿父份死粵寇難方賊揮刃之安奮身捍父面中
創而踏追賊他去有人扶救之乃免少從蘇林游林字竹賢
亦邑諸生能詩文工書畫之安得其指授專以草衣憚氏為
宗故自號夢甌母柳有賢行之安奉其訓終身平生以課徒
為業所著存山瓊館殘稿二卷家述

常昭合志稿 卷三十一 人物 畫家 三

張溥東字雨生祖大鋪父元齡皆好鑒藏書畫溥東自幼博覽
即喜臨摹弱冠遭亂家中落橐筆粵皖燕齊間遇佳山水輒
流連神會遇收藏家必造門請益學次進嗣官浙江由布經
歷升海鹽知州浚河葺城留心民事因案解任放浪湖山間
年五十一遽卒溥東於六法眼界既廣心力亦專足成名家
而享年未永遂不獲追蹤 國初諸老輩惜哉家述參
筆記
人物志十一之三 藏書家

虞子賢 楊儀 孫樓 眉伽 江 柚 何醇 雲

趙琦美 秦四麟 蘭徵 蘭佩 陳煜圖 毛鳳苞 表

辰 綏萬 錢曾 沅 錢孫保 孫臨 興祖 陸貽典

馮武修

葉樹蓮

孫潛

魚翼

元傅

江聲

子藻

高培

席鑑

曹炎

范楫

黃如珽

存恕

龐泓

濤 沛 廷槐

清標

蔣侯

張仁濟

光基

金吾

海 承露

鵬

孫從沾

鄭德懋

周杏芳

邵廣憲

吳汝謙

陳揆

瞿鏞

秉淵 秉濬

邵恩多

顧士榮

張樹本

李芝綬

炳宗

敘曰自來郡邑志乘未有以藏書家立一專門者豈斯例之不可創歟抑其人之不多覩也獨吾邑以藏書之名著聞於海內者自元明迄今踵若相接其遺編散帙流傳四方好事者得之或謂海虞某氏之所收錄或謂琴川某人之所題識

常昭合志稿

卷三十一

人物

藏書家

三

以相引重而書佑至有摹刻圖記割截跋語以牟厚利者可不謂盛歟惜乎絳雲一炬并身名同歸煨燼耳不然豈僅爲藏書家一巨擘哉夫以諸鄉先生品誼榮華而僅以藏書名之或嫌乎輕褻然竊聞其摛奇訪逸之時得一秘笈往往視一切功名富貴若舉無以易之者其所好在是即其所重在此是彙而錄之豈徒爲邑乘光乎亦藉以慰當年嗜古之志也至孫氏趙氏錢氏馮氏一門並好藏書茲特舉最著者一人若百川清常遵王簡緣詳述之亦足當窺豹一斑矣是皆有書萬卷以上而且專心篤好者其以餘事及之者則不在是是爲人物志十一之三

元

虞子賢以字行世居支塘家藏書史及古今法書名畫甲於三吳後又得朱子城南雜詠真蹟構堂貯之顏曰城南佳趣崑山秦約爲之記宋文憲濂謂子賢博雅好古絕出流俗之上楊維禎極稱之謂篤於士行尤孝其親云

宋金華文集參楊鐵崖文集

明

楊儀字夢羽號五川舫子登嘉靖丙戌進士授工部主事轉禮兵二部郎中時有酋長入貢擾都下邀厚賞儀論以朝廷威德遂讐服夏文愍言雅重之諮以謀議使代草章奏太常樂廢缺命儀考訂纂成樂書爲同事所格時論惜之秩滿升山

常昭合志稿

卷三十一

人物 藏書家

三

東副使備兵霸州文愍以詞餞之有可惜文儒却使提兵盜賊區之句儀念用違其材遂移疾歸以讀書著述爲事有高坡異纂南宮集耽嗜古書其書室曰七檜山房別構萬卷樓多聚宋元舊本及法書名畫鼎彝古器江左推爲博雅然性高亢恃才傲睨爲時所嫉與錢籍不協籍家奴爲盜事發當道以問儀儀不爲隱錢家人遂誣儀子殺人困辱至斃儀亦憤恨尋卒外孫莫是龍白其冤於巡按捕籍子亡死獄中而儀之藏書盡歸松江莫氏矣

舊志參先民傳畧

其所藏書有楊夢羽

氏華陰世家楊儀夢羽收藏圖書之記海虞楊儀夢羽圖書諸朱印

孫樓字子虛號百川舟之孫童年即能對客賦詩又手立就嘉
靖丙午舉於鄉後久困禮闈適同舉進士當分校意屬之樓
堅拒銓補湖州推官嘗攝郡篆捕論巨盜一郡帖服然非其
好也會李攀龍王世貞相繼爲浙臬副知其才雅相引重而
同列挾進士資多目攝之改調漢中遂致仕歸有書逾萬卷
手自校讐多祕本構藏書之所比弇州萬卷樓名曰下冊度
每讌集雅謔四座盡傾或以滑稽寓之文章所著詩文及吳
音奇字四卷孫亂伽字唐卿秦四麟之壻亦好異書手自繕
寫更於下冊度增碎金斷璧之秘所藏書有孫唐卿氏譜朱
印著有豔雪齋集玉臺外史談觚等書亂伽孫江字岷自亦

常昭合志稿

卷三十一

人物 藏書家

三

喜校抄嘗倣玉臺例錄唐詩豔麗者爲緣情集其自爲詩亦
類是晚好歧黃書所著有牢山花源諸集樓從兄柚字遂初
才情流麗樂府膾炙人口虞山北麓有古籐蜿蜒如龍柚營
別業名曰籐溪與名流王伯穀莫是龍輩觴詠其中著有籐
溪稿神遊雜著等作

陳志參虞鄉紀畧

何鏞字子端鈞弟太學生好聚古書得卽校鈔朱黃不去手與
兄鈞及從子允泓大成並以藏書著聞子雲字士龍服習家
學能文詞尤熟唐史凡唐人詩有關時事者皆能指出崇禎
間瞿忠宣被劾下獄雲草索相從世以郭亮王咸擬之後復
從忠宣至閩廣流離十年復歸故園才情意匠蒼老雄健有

七夕行感激雄壯人比玉川月蝕詩云

舊志

趙琦美字元度文毅公子天性穎發博聞強記以父蔭歷官刑部郎中生平損衣削食假書繕寫朱黃讐校欲見諸實用得善本往往文毅公序而琦美刊之其題跋自署清常道人有藏書之室曰脈望館官太僕承時嘗解馬出關周覽博訪上書條奏方畧隨例報聞遂以使事歸里著有洪武聖政記偽吳雜記容臺小草脈望館書日子士震官徐州衛經歷秦四麟字景暘號季公兄三麟號仲祥貢生宜興訓導世居邑西大河家故饒四麟屢試督學第一善填詞曲精解音律嘗以中秋登金陵長板橋歌大石調念奴嬌詞竟四五夕莫有

常昭合志稿

卷三十一

人物 藏書家

書

敢發聲者夙喜藏書從人得祕本多用行書好寫篝鐙校勘老而不倦孫蘭徵字元芳喜讀書善談論嘗三上集其天啟宮詞百首王士禛香祖筆記朱彝尊日下舊聞考均誤爲陳悰作又蘭佩字秋湘工詩善秋江眉溪鹿苑桐陰等集秦氏所藏書有秦氏四麟之印又玄亭收藏圖書記諸朱題跋稱秦西巖鈔木板心有元覽中區四字

陳志參每虞詩苑各家書目

陳煌圖字鴻文國華孫少受業楊廷樞之門崇禎壬午中副車授翰林院典籍歸隱西湖北山草堂順治甲午徵前時仕宦之家居者煌圖年甫壯以親老不起舉鄉飲賓亦不赴工篆隸著隸釋篆韻六卷詩集十卷從年隨筆六卷印可四卷嗜

舊本書遇祕本影寫手鈔至老不倦所藏書有海虞陳氏永寶圖書及名字諸朱印

舊志參諸家書目

毛鳳苞字子九諸生後改名晉字子晉號潛在以布衣自處父清以孝弟力田起家楊忠烈爲令時擇縣中有幹識者十人每有大役倚以集事清其首也晉奮起爲儒好古博覽搆汲古閣目耕樓藏書數萬卷延名士校勘開雕十三經十七史古今百家及從未梓行之書天下之購善本書者必望走隱湖毛氏所用紙歲從江西特造之厚者曰毛邊薄者曰毛太至今猶沿其名不絕晉爲人孝友恭謹與人交有終始又好施子遇歲歉載米徧給貧家水鄉橋梁獨力成之推官雷某

常昭合志稿

卷三十一

人物 藏書家

三

贈詩曰行野漁樵皆謝賑入門僮僕盡鈔書所著有和古今人詩野外詩題跋虞鄉雜記隱湖小志海虞古今文苑毛詩名物考宋詞選明詩紀事詞苑英華僧宏秀集隱秀集共數百卷其所藏舊本以宋本元本橢圓印別之又以甲字印鈐於首其餘藏印用姓名及汲古字者以十數別有日子孫永寶日子孫世昌日在在處處有神物護持日開卷一樂日筆硯精良人生一樂日旅谿日弦歌草堂日仲雍故國人家日汲古得修綆子五俱先晉卒哀字華伯號質庵表字奏叔號正庵季子展字斧季陸貽典壻也最知名尤耽校讐有海虞毛展手校及西河汲古後人叔鄭後裔朱記者皆是也兼精

小學何義門輩皆推重之

府縣志參諸家藏書志

孫綏萬字嘉年工詩

著有破厓詩稿

詩苑

國朝

錢曾字遵王時俊孫少好學工詩吾炙集中以曾詩居首絳雲樓燼餘書籍大半是脈望藏本悉歸於曾構述古堂藏之益以諸善本所藏書有彭城世家述古堂圖書記錢曾遵王藏書諸宋印撰讀書敏求記識其源委書成秘不示人朱彝尊以重金賂其小史乃得之後採入四庫全書所著詩有交蘆判春等集府縣志參書目子沅字楚殷亦事校讐有彭城楚殷氏讀書記諸宋印其所用傳家一卷帝王書圓印則以有宋刊婺

常昭合志稿

卷三十一

人物 藏書家

美

本尚書也

書目

錢孫保字求赤謙貞子趙士春壻也方嚴抗特有父風日讀書夜必記卷尾藏書甚富校讐精審所藏書有錢孫保一名容保諸朱印評明代詩文有匪庵選本從弟孫臨字允大一號鴻蒙多病而勤讀與馮班倡和專為近體長句從子興祖字孝修熟史學長於議論有在茲閣藏書所藏有名字諸朱印

陳志參書目

陸貽典字敕先號觀庵瑞徵子諸生博學工詩其論詩謂法與情不可缺一著元要齋漸于譜集稿工書法尤長漢隸篤於友誼馮鈍吟孫岷白遺稿皆其所編輯付梓貽典歿所著詩

亦賴友人張文鎮之子道淙付梓於蠹蝕之餘人謂食報不遠也藏書多善本與馮已蒼葉石君有無通假勤於逐錄尤精校讐所藏有名字朱印

海虞詩苑參各家書目

馮武字質伯別號簡緣家世多書籍喜校繕書有上黨大馮屏

守居士長樂已蒼空居閣癸巳人請朱印者武從父舒也有

定遠二癡諸朱印者武從父班也有彥淵收藏知十讀書記

諸朱印者武父知十也武所藏則有海虞馮武簡緣馮氏藏

本諸朱印隱湖毛氏刊書多經武校定兼工書陳瑚贈以詩

有鷺羣書帖雙鉤聖牛角巾箱萬卷淫之句著有書法正傳

二卷遙擲稿十卷

陳志參諸家書目

從子修字念修舒孫從陳瑚遊

常昭合志稿

卷三十一

人物 藏書家

三

生平不市名家貧甚不戚戚而工為詩著東村仙源諸集

陳志

葉樹蓮字石君諸生先世居洞庭東山樹蓮遊常熟樂其山水

因家焉所至必聚書常損衣食資以購書會明末兵燹走還

洞庭其鄉人來相勞苦樹蓮曰貲財無足惜獨惜吾書耳鄉

人皆笑之復居常熟益購書倍多於前遇宋元刻雖零缺單

卷必購之著有論史石說史記私論集金石文樸學齋集等

書所藏書校勘精嚴鐫遵王書裝飾雖華不及也故葉氏書

至今為寶其藏書跋多題南陽轂道人有樸學齋歸來草堂

金庭玉柱人家諸朱記

舊志參徐乾學石君傳各家書目

孫潛字潛夫號菖園又字節生亦曰知節君與葉樹蓮善亦喜

藏書手鈔手校之本世多流傳者有其姓名及孫二酉珍藏

諸朱印 全謝山題跋

魚翼字振南一字天池自號烏目山樵明開封守侃九世孫雍正甲辰鄰人不戒於火時母喪在殯燎將延及翼守不去憑棺大慟俄見煙燄中一人元冠絳衣立反風滅火他屋盡燼獨殯室巋然存開封公墓地為豪家所侵翼大治具會族人誓返侵地訟之官三年始得直發神道立墓門列樹松柏費不貲皆獨任之性嗜書所居臨街小樓名曰閑止收藏古今名蹟甚夥俗子請觀拔梯不令上所藏多善本少時及見石谷子鶴諸畫家兼好畫著有海虞畫苑畧若干卷 徐陶璋撰傳 子

常昭合志稿

卷三十一

人物 藏書家

五

元傅字虛巖亦嗜書尤好金石文字窮巖絕壁手自摹搨證以志傳秦漢銅器宋元名蹟立辨真贗熟於里中掌故邑志缺軼及違異者搜討古籍及名賢碑版訂誤拾遺邑人推舊獻焉 澹成居文鈔 坐卧小樓自言魚氏居此十四世矣所藏書有其父子名字及閑止樓珍藏魚東川藏書譜朱印

江聲字飛濤號白沙於骨月有恩臨財多讓詩文之外尤以畫竹篆刻有名邑中顧文淵極稱之有匏葉齋稿 陳志參畫苑畧 性嗜

書得秘本輒手錄校勘精確曾從蕭姓故有蕭江聲讀書記及飛濤白沙手校諸朱記子藻字揆庭亦能詩有墨露齋詩

鈔 邵齊肅詩序參柳南隨筆

高培字種原號西疇爲隱湖毛氏壻凡汲古所藏秘本假得之
輒即鈔寫精好令人不敢觸手蓋深擅楷法也又善畫蘆雁

畫苑
畧

席鑑字玉照藏書極富於說部小集尤留心搜訪所刊書籍板

心均有掃葉山房字別號芙蓉山人所藏書有姓名及萸山

珍藏學然後知不足請朱記

七禮居題跋
參藏書志

曹炎字彬侯席氏客也吾邑嗜手鈔者馮舒陸貽典爲最而炎
繼之孫淇贈詩云我怪曹生市廛裏偏仄喧囂擁文史叢殘
斷缺勤購買猶禿干毫寫萬紙又云羨爾家藏萬卷餘下簾
終日凭棊几從今借書數往還不惜踏穿東郭履所藏書有

常昭合志稿

卷三十一

人物 藏書家

五

其名字請朱記

海虞詩苑
參書目

范楫字施字博學能詩善真草書不應試手錄古書最多富於

著述有廿一史括要二十一篇編次理學四卷常熟志畧五

冊枕流集詩文稿若干卷俱未刊

鈞渚
小志

黃如珽字楚惟歲貢生性孝友梅李舊有孝子黃文疆慕如珽

率族人修葺之與金壇蔣衡稱莫逆衡嘗寫十三經於廣陵

校謬正訛如珽之力居多好古書所藏有其名字朱印著無

盡藏集

虞山人文
續鈔小傳

子存恕字勿之八歲能詩詞旨清雋著二

川詩草王鳴盛選入苔岑集書法宗歐褚爲蔣衡高弟年二

十九卒

陶傳
畧

所藏書亦有名字朱印

龐泓字復初號玉泉常熟諸生世居塘橋父鵬舉字南池家饒於貴康熙間倡濬三丈浦者三平生以施舍爲事而兼好聚書構步雲樓插架逾萬卷泓日夜誦讀得善本必手自校勘并收唐宋碑帖輯步雲樓書目工詩文有揖翠山房稿所藏書有海虞龐氏收藏圖書朱記意主供讀不以市名故子孫分守之而世鮮知者子清標字柏軒復益數千卷傳至文恪遭粵寇乃盡散泓弟濤字梅圃沛字桂舟均能文沛諸生詩尤雋逸沛嗣子廷槐字綠野諸生亦好學工篆刻兼喜寫生

邵松年據虞山人人文續鈔小傳參家述

蔣侯字元康常熟人博學工詩好異書從人借鈔至老不倦家

常昭合志稿

卷三十一

人物 藏書家

三

素貧親沒悉讓遺產於弟爲郁氏贅壻郁無子又以田宅讓其甥而課徒自給叔之翰父子相繼死無嗣爲經紀其喪葬之北郭嘗有詩學金湯二卷彝門詩鈔補過齋雜著一卷雜說十二卷續集二卷墨誌硯譜各一卷子德培廩生

言志

張仁濟字敬堂文麟裔孫昭文諸生好讀書年逾七旬不倦家有照曠閣藏書萬卷多宋元舊刻性友愛字庶弟妻及子無間言族有官逋慨助千餘金訓子孫皆有法度嘗訥齋存稿子光基海鵬言志光基字南友諸生篤學敦行輯禮記諸儒論說習禮家稱之性亦嗜書照曠閣藏書遂日益富事繼母孝六旬外先母沒母哭之慟嘗有心萱遺詩子金吾字慎旃別

字月霄諸生彙收羣籍合之舊藏得八萬餘卷闕詒經堂詩史閣求舊書莊以藏之從季父海鵬校刊羣書考據精當嘗以列朝文苑惟金源氏多散佚蒐輯十二年乃成金文最百廿卷又採宋元來經說八十餘種手定詒經堂續經解千四百三十六卷以補通志堂經解之缺又撰愛日精廬藏書志四十卷其別著有釋冕釋弁釋龜廣釋名兩漢五經博士攷十七史引經攷白虎通注總二百餘卷皆貫穿詳核黃氏海鵬字若雲一字子瑜諸生治經之暇以剞劂古書爲己任毛氏津逮秘書十五集版久漫漶取而汰益之刊爲二十集名曰學津討源又以太平御覽爲類書冠得影宋鈔本詳加覆

勘重刻之又擇四部中有關實學而傳本將絕者梓墨海金壺七百餘卷又刻明人及時賢撰述爲借月山房彙鈔十六集又輯金帚編嘗謂藏書不如讀書讀書不如刻書讀書益己刻書益人生平樂善好施捐貲創立從善局以濟四窮中歲得潤裕慙省身格日夕奉行弗倦卒年六十二

黃廷鑑行狀參府志

海鵬孫承露字煦涵常燕廩生搆染家學旁及籀篆分隸以至國書皆所諳習銳意進取而連不得志肄業成均沒於京邸性曠淡不問有無自奉約而見義則傾囊弗吝尤敦族誼戊戌將入都割田三百畝分授羣從又捐田百畝於義莊

產僅中人而慷慨若是以爲難

邵淵耀撰傳

孫從沾字慶增號石芝諸生善醫用藥出人意料婦孺呼爲孫
怪僑居郡城大吏皆器重之有書癖家雖貧而所藏逾萬卷
自撰藏書紀要分爲八則言之甚詳且備蓋真知篤好者其
讀書室曰上善堂所藏書有其名字朱記別用一印鈐於尾
曰得者寶之著有活人精論及石芝遺話舊志參堯圃題跋
藏書紀要自序
鄭德懋字應雲昭文張墅人諸生博學強記雪鈔露纂至老彌
篤應省試已入彀以三場溢格被斥遂絕意進取移居城東
新巷擁書萬卷取康熙詞科諸人著作擇其尤雅者手纂一
編邑中自乾隆以來諸名人詩文輯成稿本晚自稱悔道人
無子年八十六卒遺書散佚殆盡李芝
綬述

常昭合志稿 卷三十一 人物 藏書家 三

周杏芳字乾一號靄林常熟諸生殫心經史遇秘鈔舊本必手

自繕錄子繹字旭輪性穎異早卒賴寡媳善事忘其窮著有

左傳分國禮記輯注虞山人文
續鈔小傳

邵廣憲字吉甫昭文人先世多藏書廣憲潛心研讀更搜訪江

浙舊家秘籍學益博尤諳國朝掌故著蘇松田賦考一角

山樓詩古文集續集

吳汝謙字素菴文恪十世孫吳墅人喜購書留心經世術尤熟

邑中水利康邑侯基田屢諮訪焉孫原湘
表墓

陳揆字子準世爲子游巷陳氏弱冠補常熟諸生省試對策數

千言踰格被斥遂絕意進取購古籍手自讐勘凡邑人著述

及他文集之有關吾邑者自唐及今搜羅殆遍皮譜破山寺之球虎閣幼失怙恃遇前人孝義事尤流連不置嘗輯宋躬蕭廣濟孝子傳平生不妄交其友吳卓信死刻其遺文輯琴川志注贍博較原書倍之其續志世無傳別撰十卷又輯虞邑遺文錄十卷補集五卷嘗以酈氏水經注詳於北而畧於南著六朝水道疏鈎稽精密又欲盡揚邑中宋元金石作虞陽金石錄皆未竟唐劉賡稽瑞一卷向來收藏家未經著錄揆得之因以名其樓晚欲刻唐以上傳本較稀有裨學問者爲稽瑞樓叢書草創甫就遽卒無子歿後書亦旋散文不苟作存者說經之文數篇而已其稽瑞樓書目光緒年吳縣潘

常昭合志稿

卷三十一

人物 藏書家

三

文勤始爲刊印焉

天真閣集參
閻谷筆記

瞿鏞字子雍吾里村人高祖仁德字有章好施與雍正癸卯往他郡糴麥歸過寶山適歲歉亟白縣令文鐸以麥施貧民大吏給額獎之祖進思字靖爾慷慨有祖風嘗購學宮前隙地築萬仞宮牆並獨力濬河鄉里稱之父紹基字蔭堂廩貢生權陽湖訓導道光癸巳水災設廠施粥投牒爲里黨先邑有大工作必捐貲助成之性喜購書收藏稽瑞愛日及士禮居諸家宋元善本不吝重值鏞承先志搜羅不懈積十餘萬卷有齋曰恬裕其書室也尤喜金石文字辨析精當性好施宗郟間周卹尤至嘗有續海虞文苑詩苑稿續金石萃編稿鐵

琴銅劍樓藏書目錄集古印譜鐵琴銅劍樓詞稿以歲貢生終子秉淵字敬之秉濬字性之並諸生當粵寇之難邑中藏書大半燬失秉淵兄弟獨不避艱險載赴江北寇退載歸雖畧有散亡而珍祕之本保護未失乃繪虹月歸來圖乞人題詠以誌幸并刊書目十卷剗劂將竟先後卒

家述參閱
谷筆記

邵恩多字朗仙博學嗜古與張金吾陳揆善喜鈔罕見之書所藏書有小安樂窩及姓名譜朱記

顧士榮字文甯梅里人工詩與王應奎同訂海虞詩苑其曝書有感詩云破損感年深校閱憐毫禿不惜傾囊購不辭胼手錄誇人未全貧堆牀尚連屋世緣已漸忘愛此猶骨肉其篤

常昭合志稿

卷三十一

人物 藏書家

語

好可想所藏有臣榮之印譜朱記

張樹本字子慎昭文諸生父鳳池例貢生績學不遇樹本性好讀書尤精校勘嘗得元大德刊本白虎風俗二通命仲子琪縮寫巾箱本行款字數及漫漶殘闕字畫悉仿之譜序之行草書手自臨撫觀者幾無以辨暇喜吟詩著有蟠庵詩稿長子銘字滌初咸豐庚申從事團練城陷急歸省每途遇賊不屈被戕母蘇亦挈幼孫殉難銘以九品官得世職子志麗襲

琪早夭

黃琴六集
參家述

李芝綬字緘庵昭文人原名蔚宗字升蘭道光己亥舉人一再赴禮部試同遊多海內名士居鄉又與畧里瞿氏善遂精於

鑒別古籍所藏日益富彙編爲靜補齋書目性和粹善談論
經歷喪亂神明不衰光緒壬辰年八十重游泮水逾年乃卒

墓誌參
家述

弟炳宗字仲彪常熟庠生讀書亦精審工駢體文兼

通醫理

述家

近年邑中校讐家以黃氏廷鑑王氏振聲爲最然

皆以撰著之暇餘力及之芝綬兄弟猶爲專門之學焉

閻谷
筆記

人物志十一之四 彈琴家

嚴澂

楸

楸

陳禹道

趙應良

季國瓚

譚清
顧恪

趙元素
程伯垣

王道行

丁耀夫

陳翼

陳岷

單嘉孝

孫匡

張道浚

宗室

蔣傳銓

錢用珪

陸亮

王繼良

陸易

李世則

雲佳
王

常昭合志稿

卷三十一

人物 彈琴家

三

慶蓉

朱學隆

以下詞
曲家附

周祥鈺

朱磨

敘曰舊唐書音樂志云彈琴家猶傳楚漢舊聲及清調瑟調

蔡邕雜弄非朝廷郊廟所用故不載然則古有以彈琴名家

者但歷代史書以其不適於時用故不著而他邑志乘則又

以無其人故亦無有記之者伏讀 四庫全書提要松絃館

琴譜條下謂琴派各家不一而清微淡遠惟虞山爲最是譜

之後繼之者有徐祺大還閣譜天池青山二家遂爲虞山派

之大宗是彈琴家獨吾邑爲正派所出可不表而出之乎爰

舉專門名家者彙錄之并附以詞曲家雖雅鄭不同而其源

出於律呂一也亦文人游藝之所不廢而可以類從爾是爲

人物志十一之四

明

嚴澂字道澈號天池文靖公次子始從管東溟游求性命之學已而去研尋老莊棲心宗教以廕官中書舍人仕至邵武府知府按獄窮其指蹤者監稅去其煩苛者有閩人爲稅使橫甚澂收其櫬闔奪氣去築城東壩開鷺鷥池通九曲水民賴其利初澂之將赴任也誓於郡邑城隍神曰某必不攜邵武一錢歸既抵任苞苴盡絕惟茶果銀士民爲稱觥敬者相沿已久澂辭不獲已迨致仕歸舟次吳門以銀付家人曰吾前與神約矣此銀其以之修治橋梁乎遂鳩工自郡齊門至邑

常昭合志稿

卷三十二

人物 彈琴家

美

南門北傾圯者悉修治焉歸里後琴書自娛而琴尤稱絕學著松絃館琴譜所錄之曲二十八有宮商而無文字其自序曰古樂湮而琴不傳所傳者聲而已近世一二俗工取古立詞用一字當一聲而謂能聲又取古曲隨一聲當一字而謂能文古然乎哉蓋一字也曼聲而歌之則五音殆幾乎徧故古樂聲一字而鼓不知其幾而欲聲字相當有是理乎考古詩被諸管絃者大抵倚聲而歌非以歌取聲今世所傳古琴操者皆其詞非其聲也觀濮上之音師涓能聽而得之此有調無文之明證孔子鼓琴得其人師襄始言爲文王操使有詞可讀孔子不待問師襄亦不待言矣云云自是譜出而海

內推爲正聲虞山琴派遂名天下澂所著詩文有雲松巢集
其生平如娶啞女郤治童歸姻某產鉅萬皆盛德事不但以
清修雅尚榭子四楸枋栝柱楸字曼倩闕別業於虞山北麓
曰天潭邃谷著天谷小吟老莊注枋字子俞嘗游尚湖有婦
號哭投水亟救之詢其故曰夫貸勢家金將賣妾以償不如
死耳卽典酒器代償取契還之著有娛暉逸稿栝字大年精
究琴理能傳家學柱字子建善談名理

錢志參
琴譜序

陳禹道字錫賢瓊從子喜品茶善琴學於趙應良尤精蒼梧曲
人呼爲陳蒼梧嚴澂集天下琴師講論數年成松弦館琴譜

禹道參訂之力爲多

錢志參柳
南隨筆

人物 彈琴家

常昭合志稿

卷三十一

七

趙應良字雲所初萬厯間有沈太韶者不知何地人善鼓琴吾
邑陳崑源妙會其旨應良陳之入室弟子也少爲嘉定掾縣
令某嘗午夜微行各廨皆言俗事至應良門聞琴聲心異之
引與語遂加禮敬後謝事寓於虞嚴澂集當世善琴者應良
爲最與陳禹道共訂琴譜

陳志參柳
南隨筆

季國瓛字蓮礪善琴後有支塘人譚清傳其指法胡笳四序尤
爲擅場清字冰仲兼通醫工畫蘭亦能詩有卧游齋稿與國
瓛並以善琴稱者顧恪字文徵又趙元素王道行程伯垣亦
皆以善琴稱

舊志

丁耀先居西莊長鬚善琴明末兵至猶鼓琴不輟歲聞琴聲排

戶入遂殉焉舊志

國朝

陳翼字友石通琴書兼善寫生順治十一年御史張學禮奉使

琉球翼從焉嘗授琴於其王世子舊志

陳岷字山民工畫程嘉燧高足也寫意人物意態天然尤善鼓

琴得虞山正派間為小詩亦有別趣畫苑畧

單嘉孝字曾傳一字臻屢少時與尤存同為浮屠邑紳邵無盡

見其英秀勸令歸儒存學畫名不甚顯嘉孝愛琴竟以琴著

名畫苑畧

孫匡字為山學於楊晉以界畫見長尤善琴康熙年蒸遇南

常昭合志稿

卷三十二

人物 彈琴家

美

巡蒙召至行幄 命之鼓琴名遂大著畫苑畧

張道浚字庭仙父文鉞字以強自新安來徙好聚書畫有白鶴

下庭不去因顏其堂曰來鶴道浚善書善畫竹工詩善鶴還

樓詩一卷尤精琴理得松絃派嘗月夜同錢介王泛舟山塘

抱琴登可中亭撫絃動操更唱迭和吳中明日傳以為仙焉

陳言 二志

宗室字爾藩精於琴亦善吹簫言志

蔣傳銓字宮瞻有夙慧年十三即通琴理工詩文未冠卒言志

錢用珪字惠之田莊人諸生善琴風韻幽遠虞山人文續鈔小傳

陸亮字友桐工吟詠長於書尤善撫琴故以友桐自字云陳志

王繼良字眉哲常熟人折節讀書王應奎輩多樂與之游能詩
工書兼善鼓琴母年八十有六孝養備至有詩集王峻小傳

陸易號研圃唐市人無家常居瑞真道院能鼓琴尤工畫菜

李世則字思若號味霞語溪人善醫能詩山水宗元人間仿荆

關法度謹飭下筆皆有來歷尤善鼓琴得松絃館之傳子馨

字小霞女粹字秀峯俱工琴善畫墨林今話孫雲桂字天根諸生

傳其父虞山十八曲於梅花三弄指法尤精熟

王慶蓉字鏡平翬八世孫也昭文廩生性冲澹自幼即明音律
尤善鼓琴

附詞曲家

常昭合志稿

卷三十一

人物 彈琴家

五

明

朱學隆精於審律善度曲與袁籜庵善籜庵撰西樓傳奇學隆
為之點定吳梅村有聽學隆歌絕句六首

國朝

周祥鉦字南珍常熟人乾隆十一年內府與纂九宮大成南北

音宮譜音志

朱慶字周庭號豹亭沈市人世以貴雄鄉里慶獨折節讀書稱
淹博雅好倚聲人以今柳七日之又善顧曲手訂宮商以正

其誤雖老梨園亦莫及焉

飯塵 祀甚

人物志十一之五 醫家

潘琪 陶植 陶仲鈞 葛元之 周仲衡

房伯珪 匡忠愚 李原 盧志 郁性鼎文 蒙貞

瞿奉夏寅 邵啟南 凌伯川周侍虞 顧顥樸 恩 昱

宗陽 張思恐 恩 連山 王沐 繆希雍

顧陽 陳廷讚啟元 鏡 調元 錢紹禹振 榮之遷

陶士奇 徐鵬 祝萬齡 朱澄周煥文 李宏初 張又淵 方汝化

丁崑壁 陳驥 顧復 唐明所 李維麟顯

陸經學 王嘉賓龔文英 吳仁孚陳勝民

蔣師仁吳培 錢潢 周浩 江德章

陸守仁 陸璣 張太素 王家瑞李受之

常昭合志稿 卷三十二 人物 醫家 罕

邵恆 潘潤潘樹 滋 陳世霖禮 邵鴻達崇基 鈔

陳稔椿 趙元肅 湯鼎沐三 徐洙 金洵雷 陳顯嘉

殷敏若 端木達 徐養恬 裴蕙芳 沈英

王昌熊 邵惇元

敘曰醫之為技也可以得名可以取利苟存濟世之心行活人之術技也而進乎道矣若止藉以牟利則雖負重名亦賤技耳吾邑自明吳文恪以醫膺薦洊陟顯宦其他若施功求先生緒桑廷珪先生玘蔣无礙先生紱並以搢紳耆舊而有良醫名嚴氏趙氏馬氏之先人又皆以施醫濟人而不責報者聞當時而陳襟宇先生廷讚亦以世家工醫術至兩子作

科作令後猶勤勤不憚煩勞則之爲古道可風矣茲述醫家而列陳先生并繫以兩嗣君事迹以示不責報者天心報之爲邑之岐黃家勸自餘所輯亦大都以活人之術行濟世之心間或有研精所業以博聲譽者而彼牟利以自豐殖者則不與焉爲人物志十一之五

宋

潘琪善醫工灸法莊季裕灸膏肓俞穴法云琪師傳取穴之法正坐曲脊並足而仰兩手令大指與臍屈肘當髀股上雖與千金方伸臂令正直之法不同然比之立點則近古矣虞鄉續記

引針灸四書

常昭合志稿

卷三十二

人物 醫家

聖

元

陶植至正中以明醫爲學錄子甄孫宗義皆紹其業

陳志

陶仲鈞元末隱於醫居虞山下繪杏林圖湖州牟巖有題詩陵陽集

集

明

葛元之隱居治城兩以善醫徵入京師未久告歸以濟人爲心

繞宅種杏林大同有題其杏林圖長歌吳訥亦有贈詩虞鄉續記

周仲衡善醫呂誠有贈虞山隱者歌

來鶴亭集

房伯珪字東野有醫名鄭東爲之傳

陶志

匡忠字體道其先濟南人世以醫名曾祖某字復齋始居常熟

生子通子通生友閻字志明尤知名務以活人爲心忠讀書樂道永樂中以醫徵晚年以家事付子愚愚字希顏亦以能醫徵從中使鄭和三使海外歸老於鄉

思庵文粹

李原字廷堅因母病究心醫藥後得劉氏金針法永樂初邑令

柳敬中舉典醫學

吳訥志墓

盧志號丹谷徵入太醫院愈貴妃疾大被寵眷

錢志

郁性字繼善砭砮之妙得之鳳陽劉伯淵伯淵得之竇文正公

子鼎文世其學嘗被簡使西洋異域皆重之授蘇州府醫學

正科賜三品服孫蒙貞字時正爲縣醫學訓科曾攝常熱令

兩月有宦績曾孫宗字宏本亦以醫名

錢志

常昭合志稿

卷三十一

人物 醫家

聖

瞿季字希董以鍼灸稱夏寅字賓陽以小兒醫稱時又有邵啟

南工瘍醫

舊志

凌伯川號中和老人以醫鳴淮上周侍虞以醫名吳中兼工度

曲

言志

顧顛字昂夫邃於醫應薦入京師求治者日不暇給遂丐歸築

南園草堂隱居其中出坐籃輿挾冊吟咏以疾告者不問貧

富俱應孫樸字太素樸子昱昱從弟恩恩子宗陽凡五世俱

精其業揚儀爲作五明醫傳

龔志

張忠字成學兄恐字淵學弟恩字榮學連山字志道並溫謹同

時以鍼灸稱

錢志

王沐字春泉通太素嚴文靖幼時診脈知其必貴荒疫施藥全

活甚眾部使者上其事授太醫院吏目旌其門曰義醫言志

繆希雍字仲醇貫穿醫書而尤精本草之學嘗謂神農本經譬

之六經也名醫增補別錄譬之註疏也本經以經之別錄以

緯之乃研鑽理解作本草經疏本草單方等書為人電目戟

髯好談古今國事成敗如指掌實奇士也錢志

顧賜號愛杏診脈能決死生於數年之外言志

陳廷讚字襟字孝子貞之裔推官璨之元孫為小兒醫二子啟

元調元俱列賢書矣村童里嫗篝燈叩門昏夜即往繩床土

銚兒呱呱啼敗絮中便溲狼籍腥臊垢穢未嘗蹙額掩鼻也

常昭合志稿 卷三十一 人物 醫家 聖

所得藥資具甘旨奉母時效嬰兒啼笑聲以相娛悅二子仕

為令貽書戒之曰醫誤殺一人吏誤殺一邑我有十指餬口

無以盜泉為鼎養也年八十三卒錢志參蔣德璟銘啟元字君亮調

元字和卿孳生事親至孝兄弟亦至老相友愛啟元由舉人

知昌邑縣為政有聲調元由舉人知平山縣政聲如其兄晉

工部屯田郎中權稅杭州南關得六一泉勝地捐俸建祠祀

靖難諸君子并璫難諸公凡五十餘粟主兄弟皆登上壽啟

元子錡字幼萍以貢授潛山訓導錡弟鏡字叔明少業儒以

孝友聞長得其祖之傳以幼科行世尤精痘疹應手立效歷

經道府縣額嘉獎之康熙戊午夏大疫官設局施醫藥鏡自

涓貲脩製丸散遍予貧乏者全活甚眾再舉鄉飲賓年八十

餘卒

錢志

錢紹禹字九河少時得脈經直指書善診脈其言人以心為主心脈治病危篤猶生心脈絕膚理雖生死刻日計時無不驗

子振以醫名郡中

先賢事畧參舊志

榮之遷號仁所得指授於繆希雍察脈奇守時號脈仙

錢志

陶士奇字特夫其先世錦嘉靖時由崑山遷常熟以醫著子純

孫聞詩皆紹其業聞詩於痘症尤有名至士奇稱一邑冠夜分造請無不立應未嘗責報也貧者輒施藥以濟戒子孫儒醫二者之外勿徙他業所著有歷驗心法授太醫院吏目

言志

常昭合志稿

卷三十二

人物 醫家

醫

元溥其孫也

徐鵬字仲鵬學於繆希雍每言上醫治未病遇小病輒不予藥曰用藥如用兵不得已而後用耳著脈學傳燈

陶志稿

祝萬齡字嵩仙自蘭溪遷常熟福山善醫喜濟人好老莊二書有得於反樸立誠逍遙齊物諸篇所著萍鄉雜組皆死生修短夢幻泡影之說詩不多作隨感而發有見道語錢陸燾序

而刻之

澹成居文鈔

朱澄字彥清治病有能名同邑以醫鳴者周煥文李宏初又張

又淵方汝化了崑璧皆明末善醫者

錢陶陳洛志

國朝

陳驥字千里從陳郊倩喻嘉言游醫療隨手取驗好藏法書名畫蒔花種竹所交皆一時名流府志參陳志

顧復字復生精於醫兼工詩同邑孫朝讓激賞之子逸字淡生

在支川為僧亦能詩海虞詩苑

唐明所字台明孫仍台翊台世傳幼科錢志

李維麟字石浮精察脈決生死多奇中為人孝友純篤著內經

摘粹補注醫宗要畧等書子顯字伯武亦恪謹而善醫府志

陸經學字聖宣善治痘子襄漢孫介石皆世其業言志

王嘉賓字鶴汀品行修潔隱於醫早年喪偶不再娶年九十六

卒又龔文英字順心亦業醫而以立品著舉鄉飲賓卒年九

常昭合志稿

卷三十二

人物 醫家

壘

十四陳志

吳仁孚字壽先精鍼灸言志陳勝民精外科治療癩尤奇驗

蔣師仁字公威學於喻嘉言著內經必讀孫昊培亦名醫陳志

錢潢字天來注素問闡發仲景傷寒論著溯源集十卷陳志

周浩字治平少從葉天士游治病多奇驗人稱為周怪陶志稿

江德章字湛源其先自浙來虞德章善醫以術行何市病者或

不與值雖診視數十次無吝色市多盜獨相戒勿入江先生

宅文虎其元孫也舊志

陸守仁字士安其先太倉人世以幼科名祖獻陞字季脩始家

支塘守仁修祖父業治病有神效嘗醫一謝氏兒死七日矣

獨心窩灼熱守仁診之曰此疳邪內作表治臍氣鬱結故也
法當下灌以硃鐵散氣騰出再下前藥腹鳴通體皆暖越三
日而愈守仁年至九十一乃卒子琮字宗玉世其業

陸璣字在衡參政景之後學於李士材能起危疾

陳志

張太素字白民診脈決死生多奇中濟人緩急時稱其義子又

載工書法

支溪
小志

王家瑞字玉麟世業醫得藥資悉奉母甘旨

言志

李受之以醫名

好時菊年七十餘卒

邵恒字咸齋祖籍上虞少讀書試輒蹶遂負笈至臨安從老醫
何某游盡得其秘何語之曰若非塵埃人異日當以術鳴天

常昭合志稿

卷二十二

人物 醫家

吳

下吾不足爲若師乃辭之行先是父以懋遷至常熟費於王
居唐市葡萄堰至是恆依舅氏居試其術輒效人始異之支
塘有倪氏婦患痼疾恆投數劑立愈支塘人挽留之遂家焉
汪應銓奇其術言於蔣文肅挈以入都名噪都下至爲語曰
二豎憎請邵恆人欲薦恆入太醫院會文肅卒恆亦念親老
託疾歸迨二親沒蔣文恪巡撫湖南招恆往居五載復延入
都以名恆薦 召見奏對稱 旨授太醫院額外御醫以年
老不隨班值宿尤異數也供奉數年乞骸骨歸所輯經驗方

醫案及手批諸書藏於家卒年七十

姚齊宋
志墓

潘潤字鐵塘常熟人能詩兼擅岐黃術著有獨吟草性至孝嘗

繪春暉手綫圖以見志潘樹滋號東村亦精醫工詩

海虞詩苑

陳世霖以醫爲業治病不責報子禮字願華傳父業深明五運

六氣之指著醫學指迷數卷

邵鴻達字文雲昭文人叔靜公傳外家沈氏接骨醫術鴻達性

和粹端重幼習於叔精其理歷著神效

言志

子樹德字敬輿號

荻香由拔貢舉乾隆戊申京兆試文采博贍尤長律賦書法

秀潤著有小安樂窩詩稿

虞山人文續鈔小傳

曾孫崇基字樂山亦善

接骨遇貧家不計貲

家述

崇基孫鈗字裴才仍傳其家學

陳稔椿字樹滋常熟人四歲而孤事母盡孝博涉羣書尤精醫

術兼通內外科及古鍼灸法專心濟物不責酬貧者恆予之

常昭合志稿

卷三十一

人物 醫家

畢

藥或以急疾告雖中夜必往好善樂施惟恐不至持功過格

長齋爲母祈壽縉紳贈額曰誼高儒行

言志

趙元肅字羹梅本幡子少讀書刻苦自勵屢試京兆不售歸而

發憤得疾醫藥無可爲雜取素靈本草讀之忽有神悟自爲

方藥治之效乃日走都市遇貧老羸疾者雜與丸散無不效

數年中活人無算然秘不自言已而人稍稍知之走名幣求

療然元肅治之轉或效或不效元肅之言曰病者天時地氣

人事非通天地之化以參合於人不可療今之求療者一方

恆易數手任不專也骨節柔脆不耐攻達法不盡也攻達未

及輒更其治功不究也調御乖宜令不壹也我能測天地之

機不能悉人事之變向者如吾志以行吾術故效今吾術猶是而不行吾之志故不效元稹卒以奔走療人勞苦致疾卒

生平不名一錢也

孫原湘撰傳

湯鼎字象九昭文翰村人能文工詩兼精醫術家藏醫書甚富著有補益元機談白虎錄及來蘇詩草兄沐三亦精醫學於鼎者昭文徐洙字竹村學醫兼學詩均得其指授詩尚性靈所彙錄徐氏方案精研脈理黃廷鑑序而刻之

金洵雷昭文小吳墅人世習幼科至洵雷技益精求醫者駢集支川裴氏即其傳也

陳顯嘉以字行梅李人業瘍醫鍼刀藥餌頃刻奏效嘉慶初目

常昭合志稿

卷三十一

人物 醫家

巽

已雙瞽手之所及與視不異鄉里稱之

殷敏若字文伯號西園碧溪市人得名醫張玉庭術遂棄舉子業殫精數載悉究其妙一以濟世為心貧者或反周之

端木達字蕙卿何墅人善書畫能詩兼工鐵筆後習醫性謙抑不執己見延之者治必對症藥肆中謂某氏可購貴品達曰

病如是藥宜如是不能問徇也其質直如此輯端木氏世譜

著有詠梅詩稿子博之亦以醫世其業

管嘉樹撰傳

徐養恬字淡成謝家橋人少從同里蕭函谷學醫得其指授業日進道光甲午林文忠以開濬白茆至虞感微疾易服至其處就診詢病狀則云每閉眼即見有人作獻饋狀而飲食如

常他醫以爲疑疾治輒不效養恬診其脈曰是痰也但脈息得大貴象何外觀不類文忠笑曰良醫也方未書畢而僂從踵至矣王觀察家相歸田後痰喘屢發服其藥應手愈其後發勢較輕養恬佯以無妨慰之出語其家人曰疾不可爲矣速治後事明日觀察果沒性慷慨遇貧病不取貲戚友有求輒應歲施棺木以爲常暇喜吟詩著有飲香吟草傷寒心法諸論及醫案藏於家

家述

裴蕙芳字潤甫其先有昌原著自海鹽徙昭文赤沙塘爲大醫院醫官裴家橋之名始此十傳至蕙芳治小兒以不便飲藥乃炒麥磨粉擇相宜藥品拌勻與之多奇效人遂呼爲裴麥

常昭合志稿

卷三十一

人醫 醫家

裴

粉遠至者背負手攜日以百計遇窶人輒施藥餌

沈英字梅卿別號鐵瓢少習舉業熟經史能通部覆誦以父病從范筠谷習醫博考諸家參以變化治病有奇驗嘗仿司空表聖詩品作醫品著有鐵瓢醫案十二卷名醫列傳八卷尤善鑿藏斷縑殘瓦傾囊購取有骨董瑣言十三說爲人慷慨篤友誼寄情吟詠與趙子梁蔣伯生邵環林輩唱和有生春閣集四卷鐵瓢近稿十二卷

家述

王昌熊字煙鄉梅李人諸生肄業郡城正誼書院京江趙院長楫目爲後來之秀省闈僂得復失乃退而習醫醫固其世業也有證治明條一書皆王氏累世所纂成者昌熊視疾用藥

精審遇沉疴輒奏效卒年三十有八 方熊撰傳

邵惇元字仁齋齊肅曾孫侗儻好讀書尤以醫鳴有寓公中風

不語一醫負重名診之曰必死死必以三更又一醫名更噪

續至診之微笑曰近之矣死必以黎明惇元最後至診之曰

無死法也殆三更能言而黎明能食乎果如惇元言投藥一

劑頓瘳醫名益著卒年未四十八咸惜之 參家乘

人物志十一之六 術數家

趙元行 景容 胸 堅 馬天用 金松隱

蕭鳳鳴 袁忠徹 鄭秋澤 楊菽 錢守宏

丁鷺 吳邪 周永年 汪宏道 全嘉元

常昭合志稿 卷三十二 人物 術數家 辛

張敏政 袁永信 顧言遠 呂應空 以下奕家附

殷建中 時乘 蘇袞 王銓

敘曰學士大夫之表見於世也學問經濟固當務其大者遠者而偏長小技宜夷然有所不屑矣然專門名家之業苟性之所近亦何妨用以自娛考之先民以絕藝稱者夥矣若書若畫若醫若琴既別著於篇而其他如星壬禽遁堪輿風鑑以及一切游藝之餘事諸志中亦莫不就所擅長而附著之矣至其人或他無可考見而止以一藝稱者亦不可聽其湮沒不彰也又舊志有善弈者數人無可附因思曲臺遺經編投壺於禮記班氏前史列蹴鞠於兵家附之於此可援為例

於是雜取而撰次之爲人物志十一之六

元

趙元行精於星命取人之生年月日轉數至時得五行之數併以安命所屬水一火二木三金四土五日六月七月七總之過七五除過九七除用零數所配一星爲用斷人壽夭休咎多奇

驗錢志

明

徐忠字銘理精於推測占候之法官欽天監中官正子景容字景福孫胸字存一堅字伯溫習天文兼通陰陽地理之學洪

武初徵入欽天監

士族志參舊志

曾孫佐字朝卿弟儀字朝端並承

常昭合志稿

卷三十一

人勝術數家

至

家學佐有士行慎取舍嘗浚井得錢盈萬以爲妻家所藏也

召妻弟至盡以歸之儀善詞章教授里中禮於有司錢志

馬天用字遂良精青烏術洪武初薦入京試藝居天下第一成

祖在藩邸天用進見應對稱旨賜以睿翰陳言二志

金松隱精星卜高啟有贈詩陳志

蕭鳳鳴奎伯父清重有士品精地理術錢志

袁忠徹聞楊集早呼黃式門奇其聲既見其貌謂曰子聲洪遠

當位極人臣惜貌不稱然子孫必有興者謂黃生亦不凡可

仕七品後楊終州守三世科第黃以歲貢官知縣陳志

鄭秋濤以星命行長洲有二吏欲謁選就鄭卜鄭云勿問功名

一月之內能全首領幸矣一二吏愕駭鄭又云數也二吏憒憒不樂謀往茅山避之舟至無錫邂逅一人拉往杭州留連半月跡其人乃宿盜也忽被邏卒掩捕二吏亦混執論死久之訴冤上官方得減戍

錢志

楊菽字碩甫本籍吳江其師松仙鬼谷之流菽以術數行常熟人有問焉輒書隱語以答後必奇中或匿其所問事不使知對亦如響從罷式耜於廣西式耜殉國菽收屍付其孫歸葬人謂菽非術士蓋義士也

陳志

錢守宏字子怡精星學著難經藥性諸書亦善琴

錢志

丁鷺字鷺洲順治間諸生精堪輿之學注陽宅斗首書

陳志

常昭合志稿

卷三十一

人物 術數家

至

吳邠字岐山精堪輿術陰陽宅推測奇驗

言志

周永年字修齋善天文陰陽歷算王時敏贈以詩云已超象數

盈虛外小試經綸變理中

陳志

汪宏道字闡賓游金華遇異人受其術以陰陽五行推人性情氣質知其太過不及者而諄諄導之於正不專言前定之吉

凶壽妖使人廢人事不脩年九十八卒

陳志

全嘉元字維岳諸生幼喜讀易好五行卜筮之學多奇驗善占

說二篇

附志稿

張敏政字立誠號雲谷精於地理為人古質負氣事母陳盡力生平好潔嗜茶間作繪事喜吟詠卒年六十一

袁永信字季達居桐門涇善青烏術為人質直年九十六卒

顧言遠字虛谷鎮子少隨鎮宦京師鎮謂宜以藝鳴乃遣詣長

白喜某師事之喜為欽天監監副精歷學延入座語移日撫

其背曰解人也未半載悉獲其傳補國子監算學教習期滿

例遷助教為有力者奪去不以介意父引年歸里留京師無

所遇亦請假歸先是鎮由支溪遷邑城言遠仍歸支溪葺老

屋以居少時浮沈鄉里里中少年或從之游至是杜門讀書

謝去向所從遊者惟與姚齊宋遊每過訪矩步行雖零雨赤

日中衣裾未嘗少散亂也卒年六十九

姚齊宋志墓

附奕家

常昭合志稿

卷三十一

人物

奕家

三

明

呂應空善弈錢東澗有前觀碁後觀碁詩贈之

陳志

殷建中字紹秋諸生善奕天啟間稱國手

舊志

國朝

時乘字彥龍給諫敏之子明末遇難奔竄久之補諸生客游落

拓篤志於弈興國手王龍士較勝負晝夜不輟王曰子之技

工矣天下莫敵矣但子將病病發恐難痊果嘔血數升而逝

陳志今弈譜中猶傳其十局

關谷筆記

蘇袞字揆之弈臻神品婁東周子俶目為周東侯後一人亦工

詩

支溪詩錄

王銓字近思小吳市人喜讀書博聞強識暇輒觀地圖習算學
精於九章勾股之法一日觀客奕歎曰嗟乎此戰局也數雖
小亦足以寓壯志遂購弈譜窮其理與江陰劉福山常州董
文藝海門施省三杭州僧貫如秋航諸人角藝盡日不厭至
今邑中談弈者必首推焉

